



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. XX. Christvs Dominvs Ecclesiasticis summoperè imitandus.

urn:nbn:de:hbz:466:1-42349

cum omni reuerentia ac honore, semper lumine precedente, cum sit candor lucis aeternae: vt ex hoc apud omnes fides & deuotio augeatur, &c. Et rursus ibidem: Ne propter incuriam Sacerdotum diuina indignatio grauius exardescat, districte precipiendo mandamus, quatenus à Sacerdotibus Euchari-
*In sacrario honorifice col-
 tissime Eu-
 charistia asseruanda.*
 stia in loco singulari, mundo & signato semper honorifice collocata deuote ac fideliter conseruetur. Sacerdos autem qui in his negligens fuerit grauius puniendus, vt habetur de Consec. di. 2. capit. 27. si per negligentiam ex Pio II. & cap. 94. Qui bene ex Concilio Arelaten. Et vtique longe acerbiores Deo poenas dabit, quam Ecclesiae diuinissimi illius Sacramenti contemptor.

C A P. XX.

CHRISTVS DOMINVS ECCLESIA-

sticis summo perè imitandus.

EUndem Christum Dei virginisq; filium vt patronum suum & Hierarcham siue Sacrorum Principem & absolutissimum totius sanctitatis exemplar diuini honoris flagrantique salutis proximi studio, eximia religione, & precandi assiduitate, singulari modestia, submissione, lenitate, commiseratione, beneficentia, patientia, morum grauitate, animi corporisque puritate, & id genus alijs virtutibus, sibi imitandum proponant. Hoc enim cum à ceteris Christianis meritis postulet, maiori jure à Dominis Ecclesiasticis tanquam conjunctionibus & honorationibus sui corporis, hoc est, Ecclesiae membris id exegit. Discite, inquit Matth. II. à me, quia mitis sum & humilis corde. Ioannis 13. versic. 15. 16. 17. Exemplum dedi vobis, vt quemadmodum ego feci vobis, ita & vos faciat. Amen, amen dico vobis: Non est seruus maior Domino suo, neq; Apostolus maior est eo, qui misit illum. Si hac scitis, beati eritis, si feceritis ea. Et vers. 34. Mandatum nouum do vobis,

*Quae pressa
 Saluatoris
 virtutū ve-
 stigia potis-
 simum con-
 sequantur
 clerici.*

*Cur cleri-
 cis imitan-
 dus Chri-
 stus?*

vobis, vt diligatis inuicem sicut dilexi vos vt vos diligatis inuicem. Religionis summa est, ait S. August. l. 8. de ciuit. Dei c. 17. imitari quem colas.

§. Cum ergo ex propria vocatione & vite instituto ceteris exactius Christum venerari debent Clerici, amplius etiam & perfectius illum consequi & imitari diuinamq; humanaq; lege tenentur: & rectissimi in celos itineris se duces præbere. Quod declarat idem S. Aug. in Pl. 39. v. 4. Videbunt multi & timebunt & sperabunt in Domino. In Ecclesia, inquit, iste ordo est, alii præcedunt, alii sequuntur, & qui præcedunt, exemplum se præbent sequentibus, & qui sequuntur, imitantur præcedentes. Sed & illi qui se exemplum præbent sequentibus, nunquid neminem sequuntur: si neminem sequuntur, errabunt, sequuntur & illi aliquem, ipsum Christum. Meliores quique in Ecclesia, quibus non remansit iam homo, quem imitentur, quia omnes proficiendo superauerunt, ipse Christus eis remanet, quem vsq; in finem sequantur. Et emitis ordinatos gradus per Paulum Apostolum dicentem I. Cor. II. v. 1. Imitatores mei estote sicut & ego Christi. Et S. Cypr. Martyr & Episcopus l. de disciplina & habitu Virgin. maximopere Christi Domini imitationem, vt tutissimam & certissimè in cælum ferentem viam commendat, vrgetq;. Omnia de Dei voluntate facienda sunt, inquit, vt Domini nostri vestigia & magisteria diuina sectemur, qui monuit & dixit Ioa. 6. Non descendi de cælo vt faciam voluntatem meam, sed eius, qui misit me. Quod si non est maior Domino suo seruus, & Liberatori debet obsequium liberatus, qui cupimus esse Christiani, debemus quod Christus fecit imitari. Scriptum est & legitur, & auditur, & in exemplum nostri, Ecclesie ore celebratur. Qui dicit se in Christo manere, debet quomodo ille ambulauit, & ipse ambulare I. Ioan. 2. v. 6. Ambulandum est igitur vestigiis paribus, æmula ingressione nitendum est.

Nemo tam perfectus, vt non habeat & in Christo imitetur.